

E OO ATU I LE LAGI O LOU ALOFA MUTIMUTIVALE



"Le Alii e, ou te
vivii atu ia te Oe i
luma o le nuu; ou
te fai pesega ia te
Oe i luma o
tagata. Auā e tele
Lou alofa ua oo i
le lagi, e tele foi
Lou faamaoni ua oo
i ao"

(Salamo 57:9,10)



Ina ua aveina e Tavita le atolaau i Ierusalem sa ia vivii atu ai ma faapea: "Auā e lelei leova; auā e faavavau lava Lona alofa" (1Nofoaiga Tupu 16:34).

Ina ua tu'ua le atolaau i le Malumalu o Solomona, na vivii atu le au Sa Levi: "Auā e faavavau lava Lona alofa" (2Nofoa'iga Tupu 5:13).

Ina ua faaumatia e le afi paia le taulaga, sa latou toe faapea mai: "Auā e faavavau Lona alofa." (2N/Tupu 7:3).

Ina ua alu atu Iosefatu i le taua, na vivii atu le au Sa Levi ma faapea: "Aua e faavavau lava Lona alofa" (2N/Tupu 20:21).

Ina ua faia e Serupapelu le faavae o le Malumalu fou, sa latou pepese: "Aua o Lona alofa... E faavavau ia Israelu" (Esera 3:11).

O le fuaitau lava lea e tasi o loo ua toe ta'ua mai i le Salamo 100, 103, 106, 107, 118, 136 ma le 138.

O loo valo'ia mai foi e Ieremia, ina ua toe fuata'ina Ierusalem, o le a pepese ai: "Auā e faavavau lava Lona alofa" (Ieremia 33:11).

O le a se uiga o le alofa o le Atua e faavavau ia te a'u?

O a ni mea e aofia ai i lea alofa?

O a ni aoga e aumaia mo a'u?

E mafai faapefea ona ou tali atu i lea alofa?



O le alofa o le Atua:

- O le alofa e tumau e faavavau (Salamo 136).
- O le alofa e suia ai (Salamo 51).
- O le alofa e faamagalo (Salamo 130).

O le tali atu a le tagata i le alofa o le Atua:

- Viiga ma le faatuatuaga (Salamo 113; 123).
- Faamanuiaga ma le faamanū (Salamo 103)

O LE ALOFA O LE ATUA



O LE ALOFA E TUMAU E FAAVAVAU

"Ia outou vivii atu ia IEOVA, auā e lelei o Ia; aua e faavavau lava Lona alofa" (Salam 136:1)



Na la faia galuega ofoofogia o le foafoaina o mea uma o loo si'omia ai i tatou (Salamo 136:1-9)



Na la faasa'olotoina Israelu mai le pologa ma faatuina i latou i le Nuu o le Folafolaga (Salamo 136:10-22)



I le taimi nei, Na te tausia i tatou, laveaiina i tatou, ma faatumauina i tatou (Salamo 136:23-26)

O le alofa o le Atua e le aafia ai na'o i latou o e alolofa ia te la, aua o la "e foaiina mea e 'ai i meaola uma lava;" (Sal 136:25). A manatunatu i lea alofa, na amata ma faaiu le pese a le faisalamo i le valaaufina oi tatou ia vivii atu i le Atua (Sal 136:1, 26).


O LE ALOFA E SUIA AI

"Le Atua e, ia e faia se lotomamā mo a'u; ma ia e faafouina se lotomau i totonu ia te a'u" (Sal. 51:10)

Na tusia lava e Tavita le Salamo 51 "ina ua ia alu atu ia Patisepa, ona sau ai lea o le perofeta o Natano ia te ia" (ua toe tusia). Se'ia oo i lea taimi, sa ootia le loto o Tavita i le faanoanoa. O lea na ia tuuina atu ai lona loto i luma o le Atua ma ta'uta'u atu lana agasala, e le'i taumafai e faaitiitia pe fia ta'uamionuina, ona ua ia iloa lona le mafaia lava ona taofia le agasala (Salamo 51:3-5).



Na ia iloa foi, ona o Lona alofa ina a tele, o le a mafai ai e le Atua ona faamama lana agasala ma soloiesea atoatoa lana solitulafono (Salamo 51:1-2, 7-9). Ae o se mea e ofo ai, na atili ai ona augani atu Tavita. E le'i faamalieina o ia i le faamagaloga. Pe afai e leai se suiga i o tatou olaga, o le a faaauau pea ona le mafaia ona tatou taofia le agasala. E tatou te manaomia lava se suiga atoatoa.



E mafai, ma e finagalo le Atua ia faia lea vavega: o le faia lea o se lotomamā ma se agaga sa'o i totonu i a'i tatou (Sal. 51:10).

O le faamagaloga ma se faafouga o tatou tagata e maua ai le olioli, o le molimau, o le pese ma le viiga (Salamo 51:12-15). Ma e fiafia le Atua e talia la tatou viiga o le alofa e faia ma le lotomaulalo (Salamo 51:16-19).

O LE ALOFA E FAAMAGALO AI

""Ieova e, afai e te mataulia le amioleaga, le Alii e, o ai se na te mafaia ona tula'i? A'o ia te Oe le faamagaloina o sala, ina ia mata'utia Oe." (Salamo 130:3-4)

E lua ni manatu autu o le Salamo 130

O le faamagaloga

O le agasala o se lua loloto lea o loo alaga mai ai le tagata agasala i le Atua (Sal. 130:1-2). Pe a faafogaina i tatou, o le a silasila mai leova i a'i tatou ma... o le a se mea o silasila mai i ai?

Pe afai ae taula'i mai Ona fofoga i a tatou agasala, ua uma i tatou (Salamo 130:3).

Peita'i fofoga alofa o le Atua o loo taula'i atu i le tagata agasala ua salamo, ma ua la ofoina atu ia te ia Lana faamagaloga (Salamo 130:4).

O le faatalitali

O lenei uiga faale-atua e faatupuina ai le faamoemoe. O lenei, ia tatou faatalitali ma le mautinoaga ia maua le faamagaloga a le Atua

Tatou te faatalitali faapitoa mo le taeao matagofie o le a tatou faalogo ai mai Lona lava fofoga: "Uluuale maia i le fiafia o lou Alii" (Mataio 25:21; cf. Salamo 130:5-6).

E auai tagata uma o le Atua i lenei faanaunauta'iga e faatalitali, aua "o la lava na te faaolaina Israelu ai a latou amioleaga uma lava" (Salamo 130:7-8).

“O le a natia i tatou ia Keriso Iesu. O le a tatou faatuatuaina Lona alofa. O le a tatou talitonuina Lona alofa e le mafuatia i a’i tatou i lea aso ma lea aso. Ia ‘aua lava nei i ai se mea, leai lava se mea e faavaivaia ai oe, ma se mea e te faanoanoa ai. Ia mafaufau i le lelei o le Atua. Ia manatua pea lava pea Lona faamaoni ma Ana faamanuiaga [...]

Ia i ai pea le viiga o le Alii i o tatou loto, o tatou mafaufau, ma o tatou laugutu”

O LE TALI ATUA LE TAGATA I LE ALOFA O LE ATUA





VIIGA MA LE FAATUATUAGA

"Ia outou vivii atu ia Ioa. Vivii atu ia outou o auauna a Ieova; vivii atu ia i le suafa o Ieova" (Salamo 113:1)



O a ni mafuaaga ua aumaia e le Salamo 113 ma le 123 i a'i tatou e vivii atu ai ma faatuatuaina o la?

Salamo 113:4

Auā ua silisili lava la i le lagi ma le lalolagi

Salamo 113:5-6

Auā e ui lava ina maualuga Lona afioaga, e faamaulaloina o la lava ma afio mai i a'i tatou

Salamo 113:7-8

Auā Na te faaeaina le mativa ma le lē tagolima

Salamo 113:9

Auā Na te faia ni wavega ofoofogia

Salamo 123

Auā e alofa mai o la i a'i tatou pe a inosia i tatou




Mo se faapuupu'uga, tatou te vivii atu i le Atua mo Lona mana, mo Ana wavega, mo Lona alofa, ma 'ona ua la faamaulaloina la lava, e ui i Lona lava Silisili ese.

I luga o le Satauro ua mafai ai ona tatou vaaia, faatasi, nei uiga uma faale-atua. O le silisiliese o Lona alofa na taitaiina ai Iesu e faamaulalo la iā te la lava "ua oo ina maliu" mo i tatou (Filipi 2:8). E le ua alagatatau ea lenei viiga? Pe tatou te lē faatuatuaina atoatoa ea lenei Faaola mamana ma le alofa?

FAAMANUIAGA MA LE FAAMANŪ

"Lo'u agaga e, ia e faamanū atu ia Ieova, 'aua foi nei galو se mea e tasi o Ana meaalofa" (Salamo 103:2)



O a ni faamanuiaga ua tuuina mai e le Alii i a'i tatou?

Faamagaloina a'u amioleaga uma lava (Salamo 103:3a)

Faamālolōina o'u ma'i atoa uma (Salamo 103:3b)

Faaolaina mai lo'u ola ai le tuugamau (Salamo 103:4a)

O Le faapaleina oe i le alofa ma le alofa mutimutivale (Salamo 103:4b)

O Le e malie ai lou manao i mea lelei (Salamo 103:5a)

O Le faafouina a'u (Salamo 103:5b)

Na te faia le faamasinoga tonu pe a mafatia i faiga sauā (Salamo 103:6)

Na la faailoa mai ia te a'u ana fuafuaga (Salamo 103:7)

E alofa sua mai ma telegese Lona to'asa ia te a'u (Salamo 103:8-9)

Na te le taui mai e tusa ma a tatou agasala (Salamo 103:10-11)

Na te le manatuaina lava a'u agasala (Salamo 103:12)

Ua la silafia e pei o le mutia o'u aso, ma ua la alofa mai ia te a'u (Sal. 103:13-18)

I le tali atu i le agalelei, tatou te aufaatasi ai ma agelu i le faamanūina o le Alii (Salamo 103:19-22). E amata le viiga ina ua mafai ona iloa galuega ma le mamalu o le Atua ma tali atu e ala i tapua'iga ona o Lona agalelei, alofa mutimutivale atoa ma Lona poto.

“E le tatau ona e i lalo ifo o le loto vaivai. O e lotovaivai o le a faamalosia; o e atuatuvale ma lagona le faanoanoa o le a i ai lo latou faamoemoe. E i ai le tausiga alofa a le Atua mo Ona tagata. O loo la faafogaina la latou tagi atu. E leai lava so’u mata’u i le finagalo o le Atua. O le a la tausia Lana lava galuega. O lo tatou tiute, o le faatumuina lea o lo tatou lotoa, o tatou loto o se nofoaga, ia ola ... ma le lotomaulalo i le tafu’e o le satauro, ma ia ola ma le faamaoni, ma se olaga paia i Ona luma. A’o tatou faia lenei mea ‘aua lava ne’i o tatou māasiasi ai, ae o le a ta’uta’u atu e o tatou agaga le Atua i le lototoa e paia. [...]”

Ua ia te au le lotomau, e talitonu ai i le Atua. Ua ia te’i tatou le Faaola e atoatoa. E mafai ona tatou olioli i Lona tumu atoatoa. O lo’u faanaunauga ia tuuina atu atoatoa i le Atua, ia sili ona faapaiaina ia te Ia”